

## Jasenko Selimović: izvještaj o aktualnim događajima u EU-parlamentu, vezanim za Balkan i Bosnu i Hercegovinu

12/12/2017 08:58 by Administrator

Dragi prijatelji,

Evo jedan kratki izvještaj o aktualnim događajima u EU-parlamentu, vezanim za Balkan i Bosnu i Hercegovinu.

Â

### **Presuda Ratku Mladiću**

Ratko Mladić je posljedni ratni zločinac koji je osuđen u internacionalnom sudu za bivšu Jugoslaviju u Hagu (ICTY) i njegovom presudom završava rad Tribunala. Mladić je proglašen krivim za deset od jedanaest takozvanih optužnica i osuđen je na doživotnu kaznu. Takva presuda je sigurno donijela žrtvama njegovog terora kakvu-takvu utjehu i siguran sam da će doprinijeti potvrdu i istinu oko toga što se desilo u Bosni i Hercegovini između 1992-1995. Ja sam lično zadovoljan što je Ratko Mladić proglašen krivim za genocid u Srebrenici i da presuda nije ostavila nikakve sumnje o tome za što je dobio najtežu kaznu. O Srebrenici može postojati samo jedna istina, i tu istinu je sada ICTY definitivno uspostavio. Bilo koja presuda za takve zločine bi bila neuspjeh pravde i u Evropi, a i u svijetu. Svi problemi naravno neće biti riješeni ovom presudom, nacionalizam će još uvijek postojati i nacionalističke vodje će se i dalje prepirati, ali i pored svega toga mislim da je ovo važna presuda koja će doprinijeti stvaranju jedne istinite slike o tome što se desilo i Bosni i Hercegovini.

### **Seminar sa delegacijom za Kosovo**

Pretprošle sedmice smo također organizirali seminar u EU-parlamentu na kojem su se ambasador Kosova i cijela Kosovska ambasada sastali sa EU-parlamentom i EU-komisijom. Razgovarali smo o izazovima s kojima se suočava ova država i o poboljšavanju tempa demokratskih i razvojnih reformi, tj prvenstveno o borbi protiv korupcije.

### **Radni program Evropske Komisije**

EU-komisija je počela s pripremama za radni program Zapadnog Balkana koji će se prezentirati u februaru 2018 godine. Očekuje se da će EU-komisija tada prezentirati neki okvirni datum ulaska u EU za prvenstveno Crnu Goru, a možda i za Srbiju, da će Makedonija i Albanija napredovati dalje, a za sada se ne zna šta će EU-komisija reći za Kosovo i Bosnu i Hercegovinu. Ja sam na tom seminaru naglasio da taj radni program može prouzrokovati tenzije među balkanskim državama, ako bude uključivao neke države, a istovremeno isključivao druge. Dalje sam zahtijevao da Komisija uzme u obzir da je ta teritorija Bosne i Hercegovine oštećena ratom, genocidom i nacionalističkim narativima i da ostavljanje Bosne i Hercegovine i Kosova po strani može ojačati nacionalističke snage. Borit ćemo se do kraja sa nadom da će i BiH biti uključena u taj program i da će odgovor na upitnik koji je poslan i BiH doći ubrzo. Od toga sve zavisi i nadam se da su i BiH vlasti svjesne toga.

### **Intervju sa Osmanom Džihom.**

U Strazburu sam imao intervju s Osmanom kao dio programa "Tudj avlija" na kanalu Hayat. Razgovarali smo o mom putu do politike i o radu oko uključivanja Bosne i Hercegovine u EU. Prenos emisije će biti u subotu u 20.45 sati.

Toliko za sada, čujemo se uskoro.

Jasenko